

PLAN DE ACTUACIÓN PARA O EXERCICIO 2023

ENTIDADE	Fundación Deporte Galego
CIF	G-15769383
NÚMERO DE REXISTRO	2001/12
EXERCICIO	2023

DATOS DA ENTIDADE:

DOMICILIO	Rúa Madrid 2-4, 2º andar
LOCALIDADE	Santiago de Compostela
CÓDIGO POSTAL	15781
PROVINCIA	A Coruña
CORREO ELECTRÓNICO	fundaciondeportegalego.pr@xunta.gal
TELÉFONO	881 996 373
PERSOA DE CONTACTO	Iván Clavel San Emeterio (Director-Xerente)

INDICE

1. NATUREZA XURÍDICA E ADSCRICIÓN.....	3
2. OBXECTO E VIXENCIA DO PLAN DE ACTUACIÓN.....	5
3. OBXECTIVOS DA FUNDACIÓN PARA 2023.....	7
4. ACTIVIDADES DA FUNDACIÓN PARA 2023.....	14
5. PREVISIÓN DE RECURSOS ECONÓMICOS QUE EMPREGARÁ A ENTIDADE.....	21
6. PREVISIÓN DE RECURSOS ECONÓMICOS QUE OBTERÁ A ENTIDADE.....	23

1. NATUREZA XURÍDICA E ADSCRICIÓN

Ó abeiro do dereito recoñecido no artigo 34.1 da Constitución española, a Fundación foi constituída pola Xunta de Galicia, como fundación de interese galego para o fomento do deporte e a práctica deportiva no seu ámbito de actuación. A Fundación, constituída sen ánimo de lucro está declarada de interese galego por Orde do 19 de xuño de 2001, no que o patrimonio está afectado de forma permanente á realización dos fins de interese xeral que constitúen o seu obxecto. Ten a consideración de medio propio e instrumental da Xunta de Galicia, o que implica a súa vinculación ó réxime dos artigos 47 e seguintes da Lei 16/2010, do 17 de decembro, de organización e funcionamento da Administración xeral e do sector público autonómico de Galicia. Está adscrita á Secretaría Xeral para o Deporte.

Servido ao interese xeral de Galicia e de acordo a os estatutos aprobados no padroado, de 10 de abril de 2019, a Fundación ten por finalidade a promoción e incentivo do deporte e da actividade física en Galicia, comprendéndose nestes ámbitos tanto as actividades deportivas competitivas como calesquera outras vertentes do eido deportivo e da actividade física, como son o ámbitos educacional, a saúde ou, entre outros, os ligados á vertente económica do deporte e ás súas función sociais.

Para todo isto, a Fundación, tal e como establecen os seus estatutos, poderá levar a cabo, entre outras, as seguintes actividades:

- Colaboración coas administracións e con institucións e entidades, públicas e privadas, en calquera actividades, accións e programas, que coadruven ao mellor cumprimento dos seus fins fundacionais.
- Organización e/ou apoio, de eventos deportivos e outras actividades e accións relacionadas cos seus fins, a celebrar na comunidade autónoma galega, ou fóra dela cando sexa de interese para aquela, así como participación, apoio, patrocinio, ou calquera outra forma de colaboración, na realización de actividades, programas e eventos vinculados ao ámbito deportivo, organizados por outras persoas, entidades ou institucións, públicas ou privadas.
- Fomento da actividade física e do deporte base e de alta competición en Galicia.
- Realización de actividades encamiñadas á captación de recursos e ao estímulo do mecenado das entidades e institucións para o apoio do deporte e dos/as deportistas

galegos/as, así como tamén a realización de actividades dirixidas a involucrar os medios de comunicación no proceso de divulgación e promoción da actividade física, do deporte e dos/as deportistas galegos/as.

- Realización de actividades formativas e divulgativas nos ámbitos de interese para a Fundación, así como a edición de publicacións e outros soportes informativos, relacionados cos fins fundacionais.
- Realización de patrocinios, outorgamento de becas e concesión de axudas no ámbito dos seus fins.
- Construción e/ou xestión, directa ou indirecta, de instalacións deportivas, públicas e privadas, podendo a Fundación, no seu caso, fixar os prezos a percibir polos servizos prestados aos/ás usuarios/as atendendo ao estipulado pola lexislación en vigor.
- Xestión de instalacións deportivas pertencentes á administración autonómica. A fundación xestionará, directa ou indirectamente, as instalacións e servizos seguidamente referenciados e de titularidade da comunidade autónoma galega:

- Complexo Deportivo de Elviña (A Coruña)
- Complexo Deportivo de A Sardiñeira (A Coruña)
- Complexo Deportivo de Agra I (A Coruña)
- Pavillón polideportivo Agra II (A Coruña)
- Pavillón polideportivo Elviña II (A Coruña)
- Pavillón polideportivo de Montes das Moas (A Coruña)
- Pavillón polideportivo de Monte Alto (A Coruña)
- Parques deportivo e acuático, e instalacións anexas, de Acea de Ama (Culleredo, A Coruña)
- Complexo deportivo de Monterrei (Pereiro de Aguiar, Ourense)

2. OBXECTO E VIXENCIA DO PLAN DE ACTUACIÓN

O plan de actuación, que constitúe o marco básico da actuación da fundación, ten por obxecto regular a súa actividade durante o exercicio 2023, mediante o establecemento das accións a desenvolver, os valores a acadar e os responsables de levalas a cabo. A vixencia deste plan comezará o 1 de xaneiro de 2023 e rematará o 31 de decembro do mesmo ano.

Con este Plan de actuación, a Fundación Deporte Galego pretende dar cumprimento ao seu obxecto social, establecido no artigo 6 dos estatutos fundacionais: "fins e actividades fundacionais".

Para iso, e tomando como referencia cada un dos puntos establecidos neste artigo dos estatutos, debemos sinalar o seguinte:

- Como eixo transversal a todas as actuacións desenvolvidas anualmente pola Fundación, prima a colaboración coas administracións e con institucións e entidades, públicas e privadas, en multitude de actividades, accións e programas. Será habitual no 2023, a colaboración con Universidades, empresas e o tecido asociativo galego de forma xeral e o deportivo en particular. A Fundación sempre pretende xerar ferramentas e modelos que faciliten o traballo cooperativo entre todos os axentes implicados, co obxecto de que aqueles sexan sostibles no tempo, tentando sempre "empoderar" á cidadanía para que incorpore nas súas vidas hábitos saudables e concretamente a práctica de actividade física na súa vida cotiá.
- A organización directa por parte da Fundación de eventos, actividades formativas, grupos de traballo, etc.... ou o apoio a actividades organizadas por terceiros, deben ser e serán a concreción das actividades sinaladas neste documento.
- A promoción do deporte galego de alto nivel e outro dos fins fundacionais e está permitindo por unha banda, obter grandes resultados polos clubs e deportistas e por outra, incrementar o número de equipos de alto nivel con estrutura de deporte base que participan en competicións nacionais e internacionais. O deporte de alto nivel e o deporte base deben ir sempre da man, xa que as entidades e deportistas de alto nivel son o espello no que se mira o deporte base, e o deporte base é o xermolo do que pode ser no futuro o deporte de alto nivel pero sobre todo o que pode ser, e debe ser, unha

sociedade galega saudable e fisicamente activa. Por outra banda, o outorgamento de axudas e patrocinios da Fundación, lle ofrece un destacado retorno ao deporte galego e a Galicia, a través dos excepcionais resultados deportivos dos/as nosos/as deportistas e sobre todo da extraordinaria empatía e orgullo que lle xera á sociedade galega o número de deportistas que cada ano representa á nosa comunidade nas competicións estatais e internacionais de máxima relevancia, como son os Xogos Olímpicos/Paralímpicos, Campionatos do Mundo e de Europa, entre outras múltiples competicións.

- Os estatutos fundacionais recollen tamén entre as súas prioridades a realización de actividades encamiñadas á captación de recursos e ao estímulo do mecenado das entidades e institucións para o apoio do deporte e dos/as deportistas galegos/as, así como tamén a realización de actividades dirixidas a involucrar os medios de comunicación no proceso de divulgación e promoción da actividade física, do deporte e dos/as deportistas galegos/as. Traballarase para fomentar a comunicación das actividades propias e as subvencionadas ou patrocinadas. Preténdese mellorar a identidade corporativa nas campañas de comunicación e conseguir unha comunicación áxil e rápida cos cidadáns.
- No relativo ás instalacións deportivas, como en exercicios anteriores, tal e como lle encomendou a Xunta de Galicia cando lle cedeu os centros deportivos sinalados nos estatutos, a Fundación continuará xestionando estes, directa ou indirectamente, co obxecto de garantir o mellor servizo posible aos cidadáns, favorecendo que cada vez máis galegos e galegos practiquen actividade física de xeito regular.

3. OBXECTIVOS DA FUNDACIÓN PARA 2023

A misión da Fundación Deporte Galego é fomentar e incrementar a práctica deportiva e a actividade física na poboación galega, buscando os seus beneficios máis alá da mera competición, no ámbito da saúde e da economía, e aproveitando as súas funcións educativa e social.

O grao de cumprimento dos indicadores e o desenvolvemento económico das actuacións do 2022 están sendo adecuados, alcanzando ou superando os obxectivos esperados nas actuacións de desenvolvemento do Plan Galego para o Fomento da Actividade Física "Galicia Saudable", na convocatoria de axudas aos Deportistas Galegos de Alto Nivel e no fomento do Deporte Galego a través de convenios, axudas e patrocinios a entidades deportivas.

Para desenvolver o Plan de actuación descrito, atendendo ás prioridades citadas, a Fundación organízase do seguinte xeito:

a) Órgano de goberno: Padroado.

Está integrado por un Presidente, un Vicepresidente e catro Vogais, e disporá dun Secretario, quen asistirá ás súas reunións con voz, pero sen voto, debendo levantar a correspondente acta.

Con independencia das funcións que lle atribúen os estatutos, a título unicamente enunciativo, serán facultades do Padroado:

- Cumprir os fins fundacionais e administrar con dilixencia os bens e dereitos que integran o patrimonio da Fundación mantendo plenamente o seu rendemento e utilidade.
- Fixar as liñas xerais sobre a distribución e aplicación dos fondos dispoñibles entre as finalidades da Fundación.
- Acordar a apertura e peche dos seus centros, oficinas e delegacións.
- Aprobar o plan de actuación e as contas anuais, que serán obxecto de presentación ao Protectorado.

- Determinar os criterios de actuación e os procedementos xerais aos que deba suxeitarse a Fundación, que en todo caso axustaranse á normativa que lle é de aplicación.
- Acordar a adquisición, enaxenación e gravame de bens mobles ou inmobles para ou pola Fundación, subscribindo os correspondentes contratos.
- Aprobar o cadro de persoal.
- Aprobar as bases dos procesos selectivos do persoal.
- Nomear e cesar ao Director-Xerente, por proposta da Presidenta do Padroado.

Particularmente, correspóndenlle á Presidente da Fundación as seguintes atribucións:

- Convocar as xuntanzas do Padroado, establecendo a súa orde do día, presidíndoas e dirixindo os seus debates.
- Representar á Fundación ante todo tipo de institucións públicas e persoas físicas ou xurídicas privadas, sendo o encargado de subscribir os acordos relativos ao establecemento de colaboracións destinadas á obtención de recursos económicos, agás nos supostos nos que expresamente se habilite a outro membro do Padroado.
- Seguindo as directrices do Padroado, dirixir a organización e actividades da Fundación, sen prexuízo das funcións encomendadas ao Director-Xerente.
- Corresponderá ao Vicepresidente realizar as funcións do Presidente nos casos de vacante, ausencia ou enfermidade, podendo actuar tamén en representación da Fundación, naqueles supostos en que así se determine por acordo do Padroado.
-


b) Órgano de xestión: Director-Xerente. A título meramente enunciativo, corresponderán ao Director-Xerente as seguintes atribucións:

- Propor, en base ás directrices emanadas do Padroado e do/da Presidente/a, os plans periódicos de actuación, así como os plans, proxectos e actividades a realizar, cos orzamentos necesarios para levalos á práctica.
- Velar polo cumprimento dos programas, plans, proxectos e actividades dentro do orzamento asignado e adoptar as medidas axeitadas para levalos á práctica.
- Coordinar a organización do traballo, dirixir e facer seguimento do persoal da Fundación e propor anualmente a relación de postos de traballo.

- Formular o plan de actuación para a súa presentación e aprobación polo Padroado.
- Realizar os traballos precisos para a elaboración e formulación das contas anuais e da memoria de cada exercicio, así como para os seguimentos periódicos da actividade e do orzamento e os informes que lle fosen requiridos.
- Administrar o orzamento de ingresos e gastos da Fundación, así como os cobros e pagos e os investimentos, nas condicións establecidas polo Padroado.
- Formular as contas anuais
- Representar á Fundación diante dos/as usuarios/as, clientes, provedores, patrocinadores, colaboradores, traballadores, Administracións Públicas, etc..
- Elaborar a documentación a presentar aos órganos da Fundación e cantos informes soliciten, así como executar as propostas que aproben.
- Aprobar a celebración de acordos, convenios e contratos que sexan de interese para a Fundación, segundo os poderes especificamente atribuídos polo Padroado.
- Todas aquelas que, de maneira explícita, lle sexan atribuídas polo Padroado na súa condición de xestor/xestora ordinario/a da Fundación.

C) Equipo de xestión: 8 traballadores/as.

A nivel operativo, para o desenvolvemento do Plan de actuación por parte do persoal da Fundación Deporte Galego establécense catro áreas de traballo, atendendo a criterios de relevancia e peso dos contidos de cada área en relación ao montante do orzamento e á carga de traballo. Así mesmo, establécese un área de administración e contabilidade que da soporte a todos os procedementos transversais das áreas técnicas. A representación destas áreas de traballo estruturase como segue:



O sistema de traballo é sempre interdisciplinar, debido ao reducido número de efectivos cos que conta a Fundación para o desenvolvemento de todas as actuacións. Non é posible contar con coordinadores e persoal específico e diferente en cada área porque a carga de traballo por área non é homoxénea durante todo o ano, de xeito que en determinados meses un área pode ocupar a todos os efectivos mentres as outras non teñen actividade.

Desta forma, para establecer un sistema de xestión eficiente, o xerente coordina todas as áreas e o resto de persoal se distribúe en cada unha segundo a porcentaxe de carga de traballo que se estima que vai desenvolver. As áreas estrutúranse como segue:

a) Área de Alto nivel.

Responsabilizarse das convocatorias de axudas a deportivas, dos convenios e contratos de patrocinio nas súas fases de preparación, asignación, seguimento e xustificación.

O equipo de traballo previsto é:

1. 1 director técnico para coordinar as actuacións con entidades
2. 1 director técnico para coordinar as actuacións con deportistas.
3. 1 director técnico de apoio.
4. 2 auxiliares administrativas.

b) Área de fomento da actividade física e o deporte.

Responsabilizase da coordinación do Plan Galicia Saudable no marco do cal se están desenvolvendo as actuacións de fomento da actividade física e o deporte.

O equipo de traballo previsto é:

5. 1 director técnico como coordinador do Plan.
6. 3 directores técnicos de apoio.
7. 1 auxiliar administrativa.

c) Área de xestión de instalacións deportivas.

Responsabilizase da xestión das instalacións cedidas pola Xunta de Galicia á Fundación, mediante sistemas de xestión directos ou indirectos.

O equipo de traballo previsto é:

8. 2 directores técnicos coordinando a xestión das instalacións asignadas.
9. 1 Coordinador de Instalacións deportivas.
10. 1 auxiliar administrativa.

d) Área de administración e contabilidade (transversal).

Neste área aglutínase as tarefas de secretaría, contabilidade, administración da Fundación, así como a relación con patrocinadores, colaboradores e provedores.

O equipo de traballo previsto é:

11. 2 auxiliares administrativas
12. 1 auxiliar contable

3.1. OBXECTIVOS ESTRATÉXICOS

Os obxectivos estratéxicos da Fundación Deporte Galego pretenden contribuír ao cumprimento dos obxectivos estratéxicos encadrados no Eixo 1 do Plan Estratéxico de Galicia 2022-2030, o Reto Demográfico. En particular, á prioridade de actuación 1.4. Fortalecer unha asistencia sanitaria accesible e de calidade.

En concreto a Fundación pretende o seguinte obxectivo estratéxico:


- Impulsar o deporte dende a etapa escolar e como práctica integradora e inclusiva que conduza á súa xeneralización entre a poboación galega, fortalecendo o deporte feminino e atendendo aos deportistas de alto nivel durante e despois da súa dedicación deportiva, así como a procurando as condicións máis adecuadas que coadxuven aos clubs e deportistas nas súas respectivas competicións deportivas dentro e fóra de Galicia.

3.2. OBXECTIVOS OPERATIVOS

Para a consecución do obxectivo estratéxico, se establecen os seguintes obxectivos para o ano 2023:

- Incrementar o número de entidades e dos recursos para o deporte de alto nivel
- Desenvolver actuacións que favorezan aos deportistas compaxinar estudos ou traballo e competición ase como co obxectivo de facilitarlles a incorporación ao mundo laboral unha vez finalizada a súa carreira deportiva.
- Fomentar a práctica de actividade física e a mellora da condición física en toda a poboación co obxectivo de reducir o risco de padecer enfermidades non transmisibles.
- Integrar os principios de igualdade e inclusión de maneira transversal nas actuacións da Fundación, na práctica deportiva en xeral e na de alto nivel en particular.

Para lograr os obxectivos enunciados planificaranse tres actividades, tal e como se mostra na seguinte imaxe:



4. ACTIVIDADES DA FUNDACIÓN PARA 2023

ACTIVIDADE A001. FOMENTO DA ACTIVIDADE FÍSICA A TRAVÉS DO PLAN GALICIA SAUDABLE

A. Identificación.

Denominación da actividade	Fomento da actividade física a través do Plan Galicia Saudable
Tipo de actividade	Propia
Identificación da actividade por sectores	G01: Deportivo para a poboación en xeral
Lugar de desenvolvemento da actividade	Toda Galicia

Descrición da actividade prevista.

Dende o 2011 o Plan Galicia Saudable desenvolve intervencións intentando chegar a tódalas idades, en diferentes ámbitos como o laboral, o educativo ou o sanitario e prestando atención a grupos especiais para garantir a igualdade de oportunidades: mulleres, persoas con discapacidade e outros colectivos en risco de exclusión social.

A evidencia científica demostra que a práctica de Actividade Física e exercicio é un elemento preventivo contra as enfermidades crónicas non transmisibles. Asemade, no ano 2020, a Organización Mundial da Saúde actualizou as recomendacións de práctica de actividade para todas as idades.

Con fin de lograr os obxectivos establecidos e atendendo aos diferentes ámbitos nos que se estrutura o Plan, se planifican as seguintes actividades:

- **ÁMBITO LOCAL-COMUNITARIO:**
 - Organización de xornadas formativas para os técnicos deportivos municipais, co obxectivo de profundar nos modelos de actuación de promoción de actividade física e a súa avaliación e seguimento en todo o ciclo vital da cidadanía.
 - Organización de cursos para profesionais do exercicio e da Actividade Física que permitan a correcta prescrición de exercicio no ámbito comunitario.

- **ÁMBITO EDUCATIVO:**
 - Ampliación dos colectivos de actuación dos programas de fomento da actividade física e da plataforma DAFIS no ámbito educativo iniciados ao abeiro do Plan Proxecta da Consellería de Cultura, Educación e Ordenación Universitaria.
 - Publicación dunha guía de utilización de DAFIS cos valores normativos para os alumnos de primaria e secundaria de Galicia. Este permitirá a comparación dos resultados das probas cos grupos de idade e características similares.
- **ÁMBITO SANITARIO:**
 - Posta en práctica dunha actuación conxunta para a promoción da actividade física saudable na que exista unha coordinación efectiva entre os facultativos e outros axentes do sistema sanitario e os profesionais da actividade física.
 - Cursos de formación para persoal sanitario en coordinación coa Consellería de Sanidade, co obxectivo de que os profesionais sanitarios recomenden a práctica de Actividade Física.
- **PERSOAS MAIORES:**
 - Xornadas formativas e divulgativas sobre envellecemento activo, con modelos de intervención comúns nos centros de maiores
- **NOVAS TECNOLOXÍAS:**
 - Creación dunha plataforma para a prescrición e seguimento da práctica de actividade física por profesionais.
 - Mellora da plataforma DAFIS de valoración da condición física saudable para a súa aplicación en diferentes ámbitos e modelos de actuación.

B. Recursos humanos empregados na actividade.

Tipo	Número (previsto)	Nº horas/ano (previsto)
Persoal asalariado	8	7.992
Persoal con contrato de servizos	0	0
Persoal voluntario	0	0

C. Beneficiarios ou usuarios da actividade.

Tipo	Número (previsto)
Persoas físicas	112.032
Persoas xurídicas	878

D. Obxectivos e indicadores de realización da actividade.

Obxectivo	Indicador	Cuantificación
Incrementar o número de persoas físicas e entidades beneficiarias directas do Plan	Número de persoas beneficiarias	14.703
Organizar xornadas formativas e divulgativas	Número de persoas beneficiarias	126
Incrementar o número de entidades beneficiarias directas do Plan	Número de entidades beneficiarias	567
Incrementar o número de alumnos/as avaliados a través da plataforma DAFIS	Número total de alumnos avaliados	45.985
Incrementar o número de alumnos/as participantes nos Proxectos de Vida Activa e Deportiva (PVAD)	Número de alumnos/as	51.218
Incrementar o número de centros educativos participantes no Plan Proxecta (PVAD)	Número de centros educativos	311

ACTIVIDADE A002. AXUDAS E PROGRAMAS DE ATENCIÓN AOS/ÁS DEPORTISTAS GALEGOS/AS DE ALTO NIVEL

A. Identificación.

Denominación da actividade	Axudas e programa de atención aos/ás deportistas de alto nivel
Tipo de actividade	Propia
Identificación da actividade por sectores	G99: Deportivo para outros grupos
Lugar de desenvolvemento da actividade	Toda Galicia

Descrición da actividade prevista.

A Fundación Deporte Galego ten como finalidade fundacional a promoción do deporte en Galicia e, de conformidade cos seus estatutos ten encomendada, entre outras funcións, o fomento do deporte de alta competición en Galicia.

Para iso, a Fundación Deporte Galego está a desenvolver anualmente unha convocatoria de axudas ás persoas deportistas galegas que están a competir no máis alto nivel deportivo de ámbito estatal, europeo e mundial.

Asemade, o Decreto 165/2020 polo que se regula o deporte de alto nivel, alto rendemento e de rendemento deportivo de base de Galicia encomenda a Fundación Deporte Galego a posta en marcha da Oficina de Atención ao Deportista. Esta oficina pretende ser un programa de apoio en diferente ámbitos para os deportistas galegos que polo seu nivel deportivo precisan unha dedicación intensa ao deporte, véndose en ocasións con dificultades para compaxinar a súa vida deportiva coa educativa e incluso profesional.

B. Recursos humanos empregados na actividade.

Tipo	Número (previsto)	Nº horas/ano (previsto)
Persoal asalariado	5	1.165
Persoal con contrato de servizos	0	0
Persoal voluntario	0	0

C. Beneficiarios ou usuarios da actividade.

Tipo	Número (previsto)
Persoas físicas	500
Persoas xurídicas	0

D. Obxectivos e indicadores de realización da actividade.

Obxectivo	Indicador	Cuantificación
Consolidar as convocatorias de axudas a deportistas galegos de alto nivel	Deportistas galegos de alto nivel beneficiarios (homes)	150
Consolidar as convocatorias de axudas a deportistas galegas de alto nivel	Deportistas galegas de alto nivel beneficiarias (mulleres)	100
Poñer en marcha da Oficina de Atención ao Deportista	Número de deportistas beneficiarios	250

ACTIVIDADE A003. PATROCINIO ÁS ENTIDADES DEPORTIVAS DE ALTO NIVEL DE GALICIA

A. Identificación:

Denominación da actividade	Patrocinio ás entidades deportivas de alto nivel
Tipo de actividade	Propia
Identificación da actividade por sectores	G99: Deportivo para outros grupos
Lugar de desenvolvemento da actividade	Toda Galicia

Descrición da actividade prevista.

Conforme aos seus Estatutos, a Fundación ten por obxecto a promoción e incentivo do deporte e da práctica deportiva en Galicia, e o fomento da actividade física e do deporte base e de alta competición como un dos seus fins.

O plan de patrocinio supón un moi destacado pulo para a presenza do Deporte Galego no máis alto nivel competitivo, a nivel estatal e internacional, das distintas modalidades deportivas comprendidas nel, garantindo o crecemento deportivo de entidades e deportistas destas especialidades.

Dende os seus inicios na tempada 2009/2010, o Plan ten investido case 30.000.000 de euros nos equipos de alta competición de Galicia, mostrando a súa efectividade tanto no xenérico número de equipos apoiados (231 no exercicio 2021, fronte aos 89 da primeira edición do Plan no ano 2009), como especialmente no tocante ao deporte feminino: 28 equipos na tempada 2009/2010 e 101 no pasado exercicio.

B. Recursos humanos empregados na actividade.

Tipo	Número (previsto)	Nº horas/ano (previsto)
Persoal asalariado	7	2.997
Persoal con contrato de servizos		
Persoal voluntario		

C. Beneficiarios ou usuarios da actividade.

Tipo	Número (previsto)
Persoas físicas	
Persoas xurídicas	210

D. Obxectivos e indicadores de realización da actividade.

Obxectivo	Indicador	Cuantificación
Incrementar o número de equipos obxecto de patrocinio	Número total de equipos	210
Incrementar o número de equipos femininos obxecto de patrocinio	Número de equipos femininos	93

5. PREVISIÓN DE RECURSOS ECONÓMICOS QUE EMPREGARÁ A ENTIDADE.

GASTOS / INVERSIONES	PLAN GALICIA SAUDABLE	AXUDAS DGAN E PROGRAMA AT. DEPORTISTA	PATROCINIOS EQUIPOS ALTA COMPETICIÓN	TOTAL
Gastos por axudas e outros	20.000,00 €	300.000,00 €	0,00 €	320.000,00 €
a) Axudas monetarias	20.000,00 €	300.000,00 €	0,00 €	320.000,00
b) Axudas non monetarias	0,00 €	0,00 €	0,00 €	0,00 €
c) Gastos por colaboracións e órganos de goberno	0,00 €	0,00 €	0,00 €	0,00 €
Variación de existencias de produtos rematados e en curso de fabricación	0,00 €	0,00 €	0,00 €	0,00 €
Aprovisionamentos	435.000,00 €	0,00 €	0,00 €	435.000,00 €
Gastos de persoal	337.9 37,04 €	32.4 06,06 €	91.377,90 €	461.721,00
Outros gastos de explotación	222.8 60,00 €	55.3 60,00 €	3. 138.678,00 €	3.416.898,00 €
Amortización do inmovilizado	246.061,80 €	13.670,10 €	13.670,10 €	273.402,00 €
Deterioración e resultado por alleamento do inmovilizado	0,00 €	0,00 €	0,00 €	0,00 €
Gastos financeiros	0,00 €	0,00 €	0,00 €	0,00 €
Variacións de valor razoable en instrumentos financeiros	0,00 €	0,00 €	0,00 €	0,00 €
Diferenzas de cambio	0,00 €	0,00 €	0,00 €	0,00 €
Deterioración e resultado por alleamento de instrumentos financeiros	0,00 €	0,00 €	0,00 €	0,00 €
Impostos sobre beneficios	0,00 €	0,00 €	0,00 €	0,00 €

Subtotal de gastos	337.937,04 €	32.406,06 €	91.377,90 €	461.721,00 €
Adquisicións de inmovilizado(agás Bens Patrimonio Histórico)	10.000,00 €	0,00 €	0,00 €	10.000,00€
Adquisicións Bens Patrimonio Histórico	0,00 €	0,00 €	0,00 €	0,00 €
Cancelación débeda non comercial	0,00 €	0,00 €	0,00 €	0,00 €
Subtotal investimentos	10.000,00 €	0,00 €	0,00 €	10.000,00
TOTAL RECURSOS EMPREGADOS	1.271.858,84	401.436,16	3.243.726,00	4.917.021,00

*O Plan de actuación remitido ao Parlamento de Galicia cos orzamentos da Xunta de Galicia, por criterio da normativa de elaboración de orzamentos, non inclúe na cuantificación económica das actuacións, a amortización do inmovilizado, motivo polo cal existe unha diferenza de 273.402,00 euros entre este orzamento e o orzamento do PAIF.

6. PREVISIÓN DE RECURSOS ECONÓMICOS QUE OBTERÁ A ENTIDADE

6.1. Previsión de ingresos que obterá a entidade

INGRESOS	IMPORTE TOTAL
Rendas e outros ingresos derivados do patrimonio	0,00 €
Vendas e prestacións de servizos das actividades propias	100.000,00 €
Ingresos ordinarios das actividades mercantís	1.123.000,00 €
Subvencións do sector público	3.461.946,00 €
Achegas privadas	0,00 €
Outros tipos de ingresos	227.160,95 €
TOTAL INGRESOS PREVISTOS	4.912.106,95 €

6.2. Previsión doutros recursos económicos que obterá a entidade

OUTROS RECURSOS	IMPORTE TOTAL
Débedas contraídas	0,00 €
Outras obrigas financeiras asumidas	0,00 €
TOTAL OUTROS RECURSOS	0,00 €